

बच्चन के ले बाइबिल देत है



कलीसिया को मुसीबतन से सामनों



द्वारा लिखत: Edward Hughes

द्वारा चित्र: Janie Forest
Alastair Paterson


द्वारा अनुकूल: Ruth Klassen

द्वारा अनुवाद करो गयो:


द्वारा बनाओ: Bible for Children
www.M1914.org

©2024 Bible for Children, Inc.
लाइसेंस: तुमई जा कहानी को पात्रिका या छापन को अधिकार है,
जब तक तुम जाई बेचत नाइ हो।

परमेश्वर के लड़िका यीशु मसीह के मरे भै लोगन मा से जी जइबे के
पचास दिन बादि, पवित्र आत्मा उनके लोगन के संग रहन के लै
आओ। हांलाकि चेला जा बात कौ समुझि नाइ पाए कि, परमेश्वर
पिता, परमेश्वर पुत्र (यीशु) अउरु पवित्र आत्मा सब त्रिएक परमेश्वर
हंइ; बइ अपने संग मा परमेश्वर के होन मात्र से खुश हते।
चेलन कौ यीशु के बारे मा दुसरेन कौ बतइबे के लै
परमेश्वर ने अनोखे काम करे।




यीशु पर भरोसो कन्न वाले सब लोगन ने अपनों सबकुछ साझे मा समुझो ताकि बड़ गरीबन की देखरेख अउरु मदति करि सकइं। लेकिन हनन्याह अउरु सफीरा नाउ के आदिमी अउरु अउरुत ने बेईमानी करी। उन्ने कछु खेत के टुकड़ा कौ बेंचो अउरु चेलन के तीर सब पइसा लाऊन को नाटकु करो। चुप्पा से, उन्ने अपने लै कछु पइसा डुकाई लै।




3

“काहे शैतान ने तुमारे दिल कौ पवित्र आत्मा से झूठी बोलन के लै भरि दौ ...?” पतरस ने हनन्याह से पूँछी। “तुमने आदिमिन से नाइ लेकिन परमेश्वर से झूठी बोली हइ।” तब तुरंत हनन्याह नीचे गिरि गओ। अउरु मरि गओ। तब जुआन लोगन ने बाई कफन मा लपेटो, बाहर लइ गये और बाई दफनाई दौ।




4

थोरी देर बादि, सफीरा अपने आदिमी की मउत की खबरि जाने बिना भीतर आई। बाउ ने पइसन के बारे मा झूठी कही - अउरु बाउ के संग उईसोइ भौ। जित्ते लोगन ने जइ सब बातइं सुनी बइ सब बड़ा डराई गये।



5


परमेश्वर के पवित्र आत्मा ने चेलन से कुल्लि बड़े बड़े चमत्कार करवाए। बताऊन के लै। जिन पर पतरस की खाली परछाई परि जाति हती, बइ बीमार लोग ठीक हुई जात हते।



6

जउ चमत्कारन कौ दिखाउन के लै एक बढिया समय हतो, जो परमेश्वर के होन कौ दिखाउति हतो। जादा से जादा लोगन ने यीशु पर भरोसो करो। जा बात ने महायाजकन कौ बहुत गुस्सा करि दौ।

उन्ने चेलन कौ जेलि मा डारि दौ।




7

लेकिन एक राति प्रभू के एक दूत ने जेल के मोहरा कौ खोलि दौ, उनइ बहिरारि लई आओ, अउरु उनसे कही कि, “जाउ, मंदिर मा ठाढे होउ

जाई, अउरु जा जिंदगी की सब बातन कौ लोगन कौ बताबउ।” चेला बहिरारि चले गये अउरु यीशु के बारे मा प्रचारु शुरू कन्न लगे। सबेरे कौ, महायाजकन के लोगन ने जेलि खाली देखी।

8

जब बड़ उनई मिलि गये, तब महायाजक ने उनई बहुत धमकाओ। “का हमने जोर दइ के जा नाउ से सिखाउन के लै तुम लोगन कौ मना नाइ करी हती?” पतरस अउर दुसरे चेलन ने जवाबु दौ, “हम आदिमिन से जादा परमेश्वर के हुकुमन कौ मनिबो चांहत हंइ।” जा बात से माहयाजक का बहुत गुस्सा आई, अउर बाने चेलन कौ जान से मारि डरिबो चांहो। लेकिन, बाने उनई बेंतन से मरवाई के छोड़न कौ हुकुमु दौ। जा दर्द के बादिअउ मा, चेलन ने परमेश्वर की बात मानी अउर यीशु के बारे मा बतइबो बंद नाइ करो बल्कि चालू रखो।



9


एक दिन स्तिफनुस नाउ को एक आदिमी गिरफ्तार करि लौ गओ। स्तिफनुस प्रभू यीशु से प्रेम कति हतो। पवित्र आत्मा ने बाई यीशु के बारे मा दुसरेन कौ बतइबे के लै इस्तेमाल कति हतो। कछु लोगन ने झूठो आरोपु लगाओ, स्तिफनुस परमेश्वर के खिलाफ बोलि हइ।

बाकी मजाक बनाऊन के बादि, स्तिफनुस कौ यीशु मा भरोसो कन्न के मारे पत्थरबाह करिके जान से मारि डारो गओ।



10

बाकी मउत से पहिले, स्तिफनुस, पवित्र आत्मा से भरो, स्वर्ग मा टकटकी भरी निगाह से परमेश्वर के दाहिने तरफ ठाढे यीशु मसीह की महिमा कौ देखो। जइसे भीड़ बाके पत्थर मात्ति गई, बउ परमेश्वर कौ पुकात्त भै कहति हतो, “प्रभू यीशु मेरी आत्मा कौ ग्रहण करउ।” फिरि, क्रूस पर यीशु की माउत के जइसे, जा बहादुर परमेश्वर के जने ने बाके हत्यारेन कौ माफु करि देन के लै दुआ करी अउर आखिरी सांक लई।




11

स्तिफनुस की मउत ने उत्पीड़न की एक नई लहर शुरू करी। स्तिफनुस के हत्यारेन की मदति कन्न बालो, शाउल नाउ को एक जुआनु, हरि एक मसीही लोगन कौ गिरफ्तार करि लेति हतो। उनमा से कुल्लि अपनो घर छोड़िके भाजि गये; अउर यहूदिया अउर सामरिया मा फइलि गये। केवल चेलइ यरूशलेम मा रुके रहे।



12

जबकि उनके दुश्मनन ने उनइ मान्न की कोशति करी; पर बिखरे लोग जहाँ कहुँ गये; यीशु को शुभ संदेशो हरि जगह लई गै। काऊ ने नाइ यीशु के लोगन का रोकि पाओ - क्योकि परमेश्वर की पवित्र आत्मा उन मा रहति हती उन से काम लेति हती।



13

कलीसिया को मुसीबतन से सामनों परमेश्वर के वच्चन से बाइबिल की एक कहानी में पायी जाती है प्रेरितों के काम ५-७

“तुमहोर शब्द के प्रवेश से रोशनी मिलत है।”
भजन ११९:१३०

14

समाप्त

56



60

15

जो बाइबिल काहानी हमई हमारे अद्भुत परमेश्वर के बारे माँ बताउती जिनने हमई बनाओ और जो तुमोह उन्हेई जानो।

परमेश्वर जान्त है हमने बुरे काम करे हैं, जिहने वे पाप कहात हैं। पाप की सजा मृत्यु है, लेकिन परमेश्वर प्रेम करते हैं जिन्ने अपनों इक लौतों पुत्र यीशु को भेज दौ, क्रूस पर मरन के लें तुम्हरे पापों के लें दण्डित भये। फिर येसु जीवन मां वापस आई गये और स्वर्ग के घर मां चले गये! अगर तुम यीशु पर विस्वास करत हउ और अपने पापों की छमा मागन के लें उनसे पूछत हो, तो वह ऐसो करी! वो अइ और वोह तुम्हारे संग रही और तुम हमेशा उसके संग जीवित रहीओ।

अगर तुम्हे लगत हइ की जा सच हई तौ जा परमेश्वर से कहः
प्यारे यीशु, हमे विश्वास हइ की तुम इश्वर हो और हमारे पापों के लें मरन वाले व्यक्ति बनी गये हो और अब फिरसे जी उठे हो। कृपया हमारे जीवन म आई के हमारे पापों को छमा कर देओ। ताकि हमारो जीवन नओ हुई सके।
और एक दिन तुम्हारे संग हमेशा के लें बने रहे। हमें आज्ञाकारी बनन के लें और तुम्हारी संतान बनन केलिए मदत करो।

बाइबिल पढे और हर एक दिन परमेश्वरी से बातें कराओ! यूहना ३:१६

16